

鎮亭山房詩集

孫寶慈
敬書



鎮亭山房詩集卷十三

鄞

陸廷敬

己雲

還京集

賦雲門韻

祀金危危詞

有序七首

附原作

六首

朱盡賢子知同李景樊增祥

附原作

精采

三首

瞿鴻禴

附原作

精采

三首

朱勳琛

附原作

精采

三首

陳夢麟

次韻愛伯攜酒枉過

附原作

七首

李慈銘

鎮亭山房詩集

卷十三

一

愛伯約上元夜游不果詩以訊之疊前韻

次韻李愛伯侍御仲春七日雪後擁爐

附原作

七首

李慈銘

附原作

七首

樊增祥

題雲門詩集

三首

贈別雲門意有未盡瞿子玖同年見示送雲門詩

卽次其韻重有是作

除夕和雲門韻

八首

附原作

八首

樊增祥

附原作

八首

十三

鮑臨

辛卯元旦仍次雲門韻

附原作

樊增祥

讀史疊前韻

八首

次韻酬尚雅珍閣學見贈

三首

恭邸斑韻詩

五月六日寄瑾兒兼示藩璫瓊兒同和

全他他

朱小唐同年招飲陶然亭賦呈

五月七日雨後漫興效劍南體

二首

讀放翁詩漫述

...

餞別瞿子玖同年典試閩中

三首

...

辛卯五月與次遠蔚庭小唐子玖諸同年約爲兄

鎮亭山房詩集

卷十三

二

第次遠賦五古一章余爲繼聲凡五首

同次遠小唐游城南唐氏園小飲龍樹寺還過法

源慈仁兩寺聯句時辛卯七月廿又二日

中秋潞河舟中

三首

津門漫興

四首

滬上贈馬漁珊明府

吉林相國師延見別墅兼示和 恭邸斑韻詩謹

疊韻奉呈四律

題李契可觀察

光漢

燕臺雜詠兼以代答

題周詠葭行看子

門韻

鎮亭山房詩集卷十三

還京集 陸廷黻 己雲

祀金危危詞 有序七首

俗以危星乘危日干支納音屬金為金危危日

率散衣垢面或白衣冠夜半潛祭之品用羊頭

或以祈財時有驗者然無所考鄙意星辰值金皆

西方一氣故主財帛危宿值月故宜夜祭用羊

衣尙白亦物從其類之義辛卯穀日雲門同年

鎮亭山房詩集 卷十三

三

用鹽字韻疊成六首邀余同作雖勉為之工力

固不敵也

納音本是劍鋒占

是日癸酉

商調從翻音昔鹽自識金方騰

寶氣誰鈔玉歷解疑籤靈氛合待尊筵卜朗瑄同教智

慧添篆作兩危驅壁蝨

道家書符若兩危字反正相向可驅壁蝨

道家符籙

等精嚴

危日原殊女土占胡同嫗母與無鹽

傳說神貌甚陋

雲臺舊將

曾圖像宣室新書未列籤面目莫嫌塵俗穢衣冠似借

雪霜添金身丈六從空下羽葆何嘗扈衛嚴

降神雞骨已頻占為禮西方築虎鹽華嶽上書祠白帝

宜陵被髮寫朱籤看蒸釜上竿頭爛香爇爐中鴨腦添
一頓餒餘恣飽噉那能分餉到徐巖

丹穴銅山自可占平不煩要術造花鹽欲求利市增三

倍兼乞書窗壓萬籤信有鷲冠知窖藏巧如蛛盒驗絲

添畧同郭相銀州事星月三更夜鼓嚴

無事良辰吉琰占春宵庭院未堆鹽本蘇攝來丁甲朝

參斗守到庚申夜警籤暗室早知官燭滅明堂何藉鬼

薪添今年端午同斯度好習科儀倍謹嚴

天錢車府度同占兩宿皆屬危宿解義形如菽配鹽得寶歌應

翻子夜送窮文亦載丁籤搜來于寶神難記算到王戎

鎮亭山房詩集

卷十三

四

數已添要識貧兒能暴富不須經咒誦楞嚴

周官星有司民占星經司民列危度數典休遺海賦鹽盈縮尙

堪推厯算去來誰與報郵籤豈真貓虎田神賽莫比鷄

鵬祀錄添別事更聞金斗滿尙容寶相飾莊嚴

附原作六首樊增祥

楚俗尊筵信雜占今宵常供屏飴鹽喜神恰好開梅

譜故事何嘗入鄴籤酒待爛羊都尉醉香爲招寶侍

郎添黃金乞得卿曹拜強效披裘七里巖

檀琰瓊茅總吉占應教如願主壘鹽相金橫鑄多佳

夢神木貪求少戒籤明祖初渡江規俄江神廟木爲船桅禱神得籤天下萬物各有

主非義一毫君莫取縱然豪傑自天
生也須步步循規矩事見郎瑛類稿
更鴛齊養雞並
饋余祀神以鳧
愛師祀以雞乞漿西歲酒頻添衣裳顛倒星猶爛
未信金神羽衛嚴

除夜曾勞玉鏡占今宵薦俎列形鹽金丹成要庚申
守黃紫標如甲乙籤羽衛暗隨青帝降香花非爲紫
姑添好官阿堵多爲貴翻笑錢神論太嚴

星象靈臺入夜占從今不道食無鹽朱躔蝠燕稱聯

璧二十八宿危在
女土蝠之次寶篋蛟龍作典籤羊酒紛紜同竈

媚簾金歡喜共丁添掃門自有春風到舊歲霜棱已

解嚴

鏡亭山房詩集

卷十三

五

燈花今夕示祥占願採山銅煮海鹽月御自躔黃道

次危宿屬
太陰星經待補北堂籤庚寅降日靈氛肅己酉

西行喜氣添漢書翼奉傳西方之情喜
也喜行寬大己酉主之誰識王陽號

奢麗黃金曾不損清嚴

送迎神曲口能占故實羌無黃帝鹽竹葉杯觴人日

酒蓮花更漏子時籤穀日逢金祀
以初七之夜丹青羞仿沙中畫

甚陋神貌黃白憑將火候添行見泉流滿天下銅山橫絕

拄秦巖南齊書劉悛傳嚴道
銅山乃故秦之地

附同作
七首

瞿鴻禩

高瞰穹園驗雜占已教寒儉洗壅鹽靈氛舊託離騷

筆神號新緡廣雅籛廣雅金神謂之清明天半龍橫山盡見春

記聞唐明皇見一龍橫互南山首尾皆具侍臣或見

或否帝曰朕聞至富可敵至貴召王元寶視之所見

果與釜中虹飲水頻添述異記晉陵薛願家有虹飲

帝同釜中虹飲水頻添釜中水須與竭願視而益之

缸復飲盡吐金滿銀旛綵勝翩然降霜月當空拜夜

釜而去願家大富

靈臺從古記星占凌雜真堪喻米鹽史記臬唐甘石

傳故其占驗乞巧唐宮秋驗網受釐漢室夜傳籛滿

凌雜米鹽

堂暗識神光動利市今宜韻事添不信王陽無祕術

好將香火禮華嚴

天文誰與補橫占大寶誇同猗氏鹽躑道遙兼青赤

氣庫標分列紫黃籤椒漿玉笋臨風酌檀炷金爐對

月添翻笑儒酸形暴富科儀今比祭詩嚴

漿酒曾從酉歲占匏瓜聞說主魚鹽精名辛銳驚遺

宣室志韋思元募鍊金之術有居士辛銳來謁病

癰潰血舉家惡之思元嘗召術士數人會食銳不

得與突至榻筵席上客怒皆起銳亦告去至庭不見

視其溺乃紫金也思元驚歎解者曰辛者金也銳字

兌從金亦西方之正宿是堅鐔壯典籤二十八宿賜

露禱晴香氣象嚴

富家吉玩易爻占願乞黃金似撒鹽燕領虎頭雄食

肉裹蹄麟趾爛題籛春生庭戶泉源滿夜識山川寶

氣添祿命更邀神，史記曰者 未妨日者極誇嚴。多言誇嚴

以得人情虛高人
祿命以悅人志

豈解天機立馬占，天機立馬占載 迎神一曲唱歌鹽。宋史藝文志

滿簾預送燈花喜，天寶遺事都下 裹紙爭探麩爾籤。上元日造麩爾

箇中置紙籤或削木書官品人 東陸青陽生氣盛，自採取以卜異日官品高下 北

宮元武宿光添，天官書虛危 枕中鴻寶應私授，屬北宮元武 迹祕

從知事亦嚴

吉利何勞折竹占，但辦洗金鹽 猗陶富贍無雙

業，甘石經 披第幾籤紫燕入宮光，徧照 黃羊祀竈典

重添多文偶亦祈，多積未害 持躬篋篋嚴

鎮亭山房詩集 卷十三

朱琛

五行自古重星占，穀日虔祈 列俎鹽值宿尚推黃帝

歷遺聞未入鄴侯籤，事同祀竈 蕃釐降方記迎神喜

氣添乞得酒漿家，給足富饒 不羨蜀山巖

無事筵筭告吉占，禮神今夕 築形鹽肴烝合薦春盤

供篆籙還搜祕笈，籤顛倒裳衣 星尚爛網緝香鼎炷

頻添餽餘飽食休，分餉聽 到雞人警夜嚴

天人歡喜協祥占，奚事朝壺 與暮鹽寶得金鉤新錫

羨編披玉歷舊題籤，逆釐信 有神靈降利市從教倍

蓀添竹葉深杯沾，醉後曉籌 未報鼓三嚴

瑞啟珠囊太史占都都隱賑博蠶鹽降祥豔說銀州
又事觀象重緡玉鏡籤酒果筵非求巧設橐鑪火爲鑄
橫添天錢星朗纍纍貫儼覩靈旂羽衛嚴

題詩人日口頻占重譜新聲阿鵲鹽禮仿幽宗參祭

法書陳卜筮識疑籤釜金倘見虹光吐璣鏡方窺蝠

影添危星在女土蝠之次地臘前三神再迓庚申好守夜更嚴

無煩雞骨有年占編戶都饒薪菜鹽奢願贏金期滿

斗金斗滿日亦可祈財春宵更漏幾傳籤上清服訝仙童降述

異編應故事添莫笑長安多乞米買山錢不損清嚴

本是嫦娥度合占危宿屬月度降神胡竟類無鹽傳說神貌甚陋

鎮亭山房詩集

卷十三

八

不嫌白地蒙塵垢好列黃標謹典籤勵節王陽金可
作買鄰季雅價應添送窮文字元游戲須識韓公自
律巖

陳夢麟

磨蝎臨宮不待占此生已分守壘鹽天垣彌滿金銀
氣陋室空緡甲乙籤報國有心才力弱歸田無計鬢
絲添從來致富心情懶未許家人夜祀巖

次韻愛伯攜酒枉過

又過庚寅降重添甲子春壽觴金谷酒仙袂玉堂人臘
味尊前舊風光眼底新好將霖雨意沾漑萬方貧

附原作

李慈銘

忽過牆頭酒來添陋室春同朝無熟客入座盡詩人
花爲金尊豔燈先錦里新草堂今日歌不信陸裝貧
愛伯約上元夜游不果詩以訊之疊前韻

丹鳳城南路燈街錦繡春傳柑煩侍史穠李趁游人玉
屑霏塵暗銀花鏤樣新如何車騎盛反效閉門貧

次韻李愛伯侍御仲春七日雪後擁爐

玻璃窗榻敢凌晨疑是林花發上春不買玉壺高酒價
卻霏瓊屑泥詩人今朝槐火添香活昨夜梨雲入夢新
瑤草琪葩開萬樹一叢終覺牡丹貧

鎮亭山房詩集

卷十三

九

附原作

李慈銘

峭寒急雪集蕭晨起見交柯玉樹春穠李緋桃歸里
夢溫鑪棉帽避風人定知主客吟詩好大有園亭入
畫新忍俊待看山色去茶甌蠟屐未全貧

附同作

樊增祥

樂事東華數夕晨天教白雪伴陽春疏香綺閣煎茶
女薄冷紅簾中酒人玉爲百花生日戲詩從折柳曲
中新此行莫擬藍關馬壓擔瓊瑤未是貧

題雲門詩集 三首

祥琴聲裏乍安絃潘岳閒居記此年詩筆城南天尺五

樊山集似杜樊川

關中後集

河水瀾瀾荆紫關回頭西望是長安五年前記歸時路

曾踏秦雲過七盤

東歸集

乍向歌樓呼絳樹又依幕府種紅蓮風來舶趠渾無定

牽動吳頭楚尾船

蓬轉集

贈別雲門意有未盡瞿子玖同年見示送雲門詩

卽次其韻重有是作

白髮猶留侍從班秦川渺渺送君還可知相對無言裏

多在將離未別閒莫爲文章荒政事尤期暇食保容顏

泥沙不用錙銖盡他日歸來好買山

鎮亭山房詩集

卷十三

十

除夕和雲門韻

八首

瘦馬東華踏輓塵此來已過廿年春卻叨造物甄陶厚
鑄就金剛不壞身

墜露輕塵願豈違何因躡足歎綸扉瓊樓玉宇高如許

雨雪霏霏未忍歸

且約同銜臘尾盃掛屏薑蒜晚盤開如何咫尺渺千里

知己兩三期不來

謂敦夫雲門

鳴梭窗紙透微風吹颺茶鑪宿火紅欲效祭詩參島佛

年來少作悔雕蟲

奚事齊王築債臺金根銀葉手能裁不須文字供諛墓

逢庫支錢一笑開

帖子宜春語吉祥茶甌滌筆試溫湯擘牋手寫桃符字
門戶長留翰墨香

頗愛兒曹好弄閒珊瑚架筆紫成山更攜衛玠爲同伴
玉潔冰清一例看

爆竹聲中四韻成鳳城寒漏正三更倦來不覺和衣睡
起看曉窗紅日明

附原作

八首

樊增祥

半年泊宅傍京塵花事從秋數到春白酒紅魚對妻
子今年今夕是閒身

鎮亭山房詩集

卷十三

十一

咫尺元亭未肯違今宵猶欸竹閒扉

是夜過愛伯師宅

天街

燈火紅如錦卻控花驄緩緩歸

春點疏梅映酒杯
鬢髸貼地錦堂開
一雙嬌女桃花
頰也學男兒跪拜來

貂襜偎暖繡屏風
酒罷輕絛換退紅
春色入簾誰最
覺玉釵頭上小金蟲

清供尋常列玉臺
冰瓷雅蒜手親栽
海紅簾底春無
縫贏得納囊一夜開

歲事紅閨愛吉祥
建溪蓮子作羹湯
燈前更剝安期
棗留得柔荑隔夜香

舉世何人此夜閒
打門佳客贈青山
春風一幅前朝
畫
自展生綃就燭看
是夕畫估以書畫求售余購得前明侍御陳公畫像一幅

燈花歡喜好詩成
漏轉銅龍恰四更
閒撥薰鑪燒柏
子
煮茶香裏看天明

附同作 八首

清霏玉屑淨無塵
經說紛綸并大春
一卷文同冰雪
看可知仙骨在君身

漫嫌今夕暫相違
元作有知己兩三期不來之句
問字車停屢歎扉

新歲定多傳座樂
尊鱸雖美不思歸

插架奇書富玉杯
錦堂先照綺筵開
題詩翦綵宜人

鎮亭山房詩集 卷一三

日隔歲先邀舊雨來
君預約人日移樽越縵堂宴飲

圍鑪團坐醉春風
人面花光一樣紅
雲門詩有一雙嬌女桃花頰之

句
知有蕊宮雙姊妹
燈前爭取綴釵蟲

豔體新詞仿玉臺
瑤英瓊樹及時裁
待看燈市明如

晝無數花枝一夜開

元日朝天迓吉祥
祓除身自浴蘭湯
披衣起向蒼穹

祝猶帶熏籠百和香

客邸光陰鎮日閒
歲除攜伴望西山
是日邀沈同鄉同步彰義門望

山歸來已近黃昏
候火樹花開畫裏看

清新敢媿庾蘭成
寒聳吟肩到五更
老去不諳詩律

細句中次第欠分明

辛卯元旦仍次雲門韻

跌蕩天門萃眾仙，萬方冠帶緝裘氈。
奠階紀朔新年一黍谷，回春大地千鳥弄。
管絃如合樂，花明錦繡不妨禪。
曉籌初報朝元散，歸路珊瑚正打鞭。

附原作

樊增祥

問訊霓裳曲裏仙，春風初暖舊青氈。
老梅試著花三

五美酒，須論斗十千。
舊雨不來煩折柬。

君和余除夕詩，有知己兩

三期不來之句。昨燈猶在喜通禪，
玻璃白日長如許。才着義

和第一鞭

鎮亭山房詩集

卷一三

讀史疊前韻 入首

十三

劇憐往事已成塵，一去蒼梧歲不春。
九世復讐哀史筆，好俘頽利及吾身。

蘆灰雖塞勢難違，一雨連年水沒扉。
蠲賑頻煩明主詔，猶聞鴻雁歎無歸。

萬里東瀛水一杯，藩籬盡撤四門開。
三韓北枕關河險，猶作中朝屏蔽來。

漢祖當年歌大風，驪山烽火上林紅。
若非營洛師前事，抵死難支百足蟲。

列戟森森御史臺，十圍古柏是誰栽。
連章伏闕陳封事，抵死難支百足蟲。

抵死難支百足蟲

抵死難支百足蟲

吉語遙傳言路開

累朝寬厚恤刑祥廷尉無聞置郵湯薄賦輕徭元氣復

殿前安福召黃香

車馬由來賦庶閑

通叶

誰開捷徑鐵圍山更愁海道中多

梗漕運宜翻舊例看

盈廷誰秉國之成畫一蕭曹未變更枉說救時賢宰相

江陵勛業陋前明

次韻酬尙雅珍閣學見贈

三首

鑪鴨新添楫柁灰春歸知被曉鐘催新詩忽報緘瑤札

佳句真同著玉杯敢謂微名齊李杜自關夙分託歐梅

鐘亭山房詩集

卷十三

十四

何當手盥薔薇露捧向花閒誦百回

五更臘炬半成灰願我頭顱白髮催無復雄心看寶劍

獨餘婪尾惜殘杯秋容已老籬邊菊春信猶遲嶺上梅

自笑葫蘆依舊樣廿年館閣屢翔回

濁河曾未塞蘆灰萬里奔馳激箭催似爾濟川堪作楫

豈宜對月獨銜杯閉門偶種先生柳調鼎終資宰相梅

宣室求才今有詔鳴珂待聽早朝回

五月六日寄瑾兒兼示藩壻瑣兒同和

昨歲離家半載餘客中每憶故園居晴宜湖畔收梅雨

後河西陳家橋東倪家橋

因以諧音名之晴宜湖屋後開門坐釣魚

朱小唐同年招飲陶然亭賦呈

城南風日正清和咫尺江亭載酒過四面洞開窗戶闊
一拳高佔土山多柳榆綠當簾垂幕蘆葦青於麥蓋坡
茗盃半寒棋局散夕陽歸映醉顏酡

五月七日雨後漫興效劍南體

二首

朝來喜聽鵲聲乾一雨初晴夏尙寒冷布仍糊窗紙暗
薄棉猶襯衾衣單出山松柏蘿能繫蔽戶芭蕉竹不彈
自酌濁醪成爛醉室廬原比地天寬
兩三月來不作詩便如入骨俗難醫且鈔舊句爲藍本
直與幽人愜素期嬾習整書埋秃筆覆尋敗局算殘棋

鎮亭山房詩集

卷十三

一五

官閑何日非休沐滿院槐陰向午時

讀放翁詩漫述

信口哦詩效放翁興來塗抹徧西東舊交漸盡招今雨
近體粗工學古風欲固藩籬棋有劫待澆壘塊酒無功
神仙縱授盧生枕亦在邯鄲一夢中

餞別瞿子玖同年典試閩中

三首

疊從原隰事旌旄閩浙由來接壤連

君由中州移督浙學

便度仙

霞趨北嶺卻移卿月照南天醴陵草木才名盛越國山
川霸業偏此去好成風土記不煩鑿空效張騫

大雅扶輪屬我儕正喧杞梓貢天街珠沈滄海終收網

玉倚崑山早入懷經術昔傳鄭夾漈文章今見蔡虛齋
南來望氣驚牛斗肯使延平劍尙埋

東門祖帳錦筵張嶺外相思

閩中嶺名

各一方載道清風馳

篠簜漫山黃霧溼檳榔快攜八月枚乘筆高壓千金陸
賈裝我亦中流頻擊楫先鞭輸爾早騰驤

辛卯五月與次遠蔚庭小唐子玖諸同年約爲兄

第次遠賦五古一章余爲繼聲

金鐵歸大冶陶鎔渾爲一而金自從金而鐵自從鐵物
各以類聚同中亦有別念我齊年生英英濟時傑班馬
揚才華終賈競勛烈天性各有近吾獨喜狷潔羣公希
聖賢早具善人質下走雖不才亦足養吾拙以此氣誼
孚有若膠與漆立身有本末所重首名節名節苟有玷
晚蓋已無及相交二十年幸各完白璧龜勉保終始庶
全管甯席

士林尙氣節風始漢之東汝南范孟博名在黨錮中下
逮俊廚及赫赫聲譽隆牛李快恩怨廟堂橫戈鏃流爲
白馬禍晦運如屯蒙北宋洛蜀朔君子環相攻小人乘
閒抵遂令吾道窮東林蹈覆轍亦卒罹其凶名流侈結
納務在聲氣通我輩師古人豈師標榜風爲羣不爲黨
爲和不爲同性情相贈答道義相磨礪達則善天下窮

則善其躬嶢嶢易見屈默默易取容不激與不隨庶幾能中庸

義利何由辨其功始克己人生非聖賢安無私念起但當起念時遏之使勿爾根株未悉拔蔓延仍不已是惟道問學中虛實以理良將克堅城收功在鞭箠守備猶未具賊來豈足恃所以克己始尤以復禮止陸學明德性朱學重格致

讀上

其究歸存誠何分彼與此獨知慎寤

寐躬行篤踐履所行副所知鞭辟常近裏與君共策勵勿爲僞學市

功名會有時經濟夙所裕伯仲伊呂閒學問本平素時

鎮亭山房詩集

卷十三

七

事方艱虞何以砥皇路吾與二三子優游玉堂署

國家儲賢才豈使守章句出或膺置寄入或預機務平昔無所蓄尺寸難展布身名復何惜國事竟貽誤吾年逾知非往者歲不與將智而髦及志雄氣則阻陳力就其列吾早審所處山林藉藏拙道力冀完固諸君各少我及時效馳驅旋轉乾坤業將相甯有數功成奉身退白首各如故百歲會耆英洛下待溫潞

同次遠小唐游城南唐氏園小飲龍樹寺還過法

源慈仁兩寺聯句時辛卯七月廿又二日

晨興腳未襪有客排闥入漁爽氣迎朝涼微雲翳初日

次朋儕招兩三暇日得休逸唐小聯裾出南郭徑涂循軌

輒漁迺選佳勝園莽撥蒙密次門掩楊柳深水澦芙

蕖唐小蘼塵慮清虛白鏡懸室漁散步籬落聞香風

襲衣褶遠次呼童供茗蒨清談玉霏屑唐小游興殊未闌宗

門叩寂滅漁城南龍樹寺綠槐夾道植次鐘磬寂不聞

惟見酒帘出唐小瑣子現化身雅比旗亭集漁時別室有徵歌者

遂登看山樓峯巒隱羅列遠次坐此開一樽自勝飲米汁

唐小醉或倦支枕醒亦戲拈筆漁險韻鬪尖叉硬語盤屈

詰遠次而我尋詩境招提再拾級唐小傳聞法源寺有唐富

碑碣漁又聞慈仁寺雙松幹撐鐵遠次燕京號古剎屈指

此焉唐小驅車兩過之靜境得幽絕漁法源閣而壯慈

仁破且裂遠次法僧如貴官方丈固扁鐻唐小慈僧如貧丐

逢人便合什漁佛法平等視須彌芥子粒遠次無怨亦無

德一笑與僧別唐小回頭望西山夕陽下林樾漁

中秋潞河舟中 三首

去年建子月車馬此經過今日尋歸路扁舟發潞河江

心翻月白篷背受霜多玉宇瓊樓夜愁聞水調歌

才拙逢迎懶官卑去就輕未堪酬遠志尙覺累虛名入

座延枚叟題橋問長卿觚稜遙望處廿載滯春明

詩思在秋天鄉心何處邊敗蘆辭宿雁落葉抱寒蟬牛

斗餘奇氣江湖感暮年生平原不負所樂在林泉

津門漫贈 四首

風枝露葉泣娟娟清到無塵絕可憐自把金鍼描繡譜
卻拋錦瑟惜華年宓妃枉著陳思賦越女難忘范蠡船
欲爲朝雲參半偈不堪落葉唱哀蟬
獨抱琵琶宛轉歌十三絃上曼聲多銜巾漫欲煩青鳥
掩袖頻教損翠蛾不信鈿車迴織女空緘錦字寄連波
全家骨肉都爲累隴水阿干喚奈何
阿干隴人呼其兄
暮天淒絕女嬃砧觸緒愁來不自禁若爲匆匆留一面
故教默默證雙心當筵勸酒春情困密室移燈夜語深

鎮亭山房詩集

卷一三

七九

辜負臨歧珍重意援琴應悵白頭吟

行雲流水偶然偕老去風懷百事乖愛畫自研螺黛石
護花還勝牡丹牌本無色相空中鏡縱有因緣夢裏鞋
一樣秋風搖落恨青衫紅袖兩天涯

滬上贈馬漁珊明府

落月停雲思幾回相逢忽在楚江隈君如葉縣飛鳧至
我自緱山控鶴來萬里江湖蹤跡合百年霜雪鬢毛摧
重經選舞徵歌地且盡燈前酒一杯

吉林相國師延見別墅兼示和 恭邸斑韻詩謹

疊韻奉呈四律

元老抽簪鶴髮斑黃庭導養密樞關偃佺甲子神仙裏
伊呂勛名伯仲閒日捧金甌光鼎鼎星搖玉佩響珊珊
卽今天與優游福喜看高門畫戟閒

朝衣一品尙爛斑高卧東山學閉關路國社應開洛下

獻王書每寫河閒謂一恭邸五以宿岫雲詩索和平章風月頭銜換吐

納煙霞骨節珊珊祇恐蒼生霖雨望圍棋能得幾時閒

仙階文石蘚苔斑載酒侯芭一叩關方丈蓬萊疑海上

平泉花木自人閒名園綠水添明瑟晚節黃花長嫩珊

願捧菊觴長獻壽八方無事樂安閒

手寫新詩見一斑詩中有畫繪荆關卻拋造物甄陶外

鍾亭山房詩集 卷十三

二十

來寫風流竹石閒緱嶺仙音賡縹緲錦囊佳句舞盤珊
九天珠玉親瞻仰讀向琅環豈等閒

題李契可觀察光漢燕臺雜詠兼以代答

羣玉新編集陳書闕下時狂猶思用世窮卽坐工詩令
我徒嗟歎何人能解推黃金臺畔路冷落古今悲

題周詠葭行看子

揆策游江湖不如守鄉里腰笏事長官不如守妻子有
妻雖不慧亦解治絲枲有子雖不才亦解負耒耜人生
但取足衣食功名富貴如敝屣百年行樂須及時旣悔
昨非悟今是滬江八月秋水深秋風簌簌動桂林桂花

結實黃如金釀之爲酒供酌斟長年不使衰顏侵泠泠
脩竹調清琴一彈爰寄空山心不彈亦流絃外音執珪
何事爲越吟與子投竿江之溥笠簪蓑袂聯裾襟羊裘
老子倘見尋

鎮亭山房詩集

卷十三

三



新刊圖書琴一聽吳帝空山心不彈亦流絃外音執珪
蘇實黃成金釀之爲酒供酌斟長年不使衰顏侵泠泠

鎮亭山房詩集卷十四

陸廷黻 次韻見贈二十四疊前

陸廷黻 次韻見贈二十四疊前

感事集

乙未四月望日生日感事示崇實書院及門諸子

乙未四月望日生日感事示崇實書院及門諸子

次日復成一疊韻至五疊韻

五首

同人和詩有以東山謝傅相引重者賦此答謝七

八疊前韻

二首

奉酬邑侯楊稚虹明府

文斌

次韻見贈兼以介壽

九十疊前韻

二首

奉酬吳福茨觀察

引孫

次韻見贈十一疊前韻

鎮亭山房詩集

卷十四

一

奉酬吳竹樓編修

筠孫

次韻見贈十二疊前韻

贈郡侯錢甘卿

湖時

十三疊前韻

贈梅鷺臣明府

振宗

十四疊前韻

奉陪邑侯楊稚虹明府齋禱醮壇卽事有作十五

十六疊前韻

二首

酬同年朱小唐宮詹次韻見贈十七至二十一疊

前韻

五首

酬張棣笙丈寄懷二十二疊前韻

酬陳次虎明經

達熊

次韻見贈二十三疊前韻

答及門董紀常明經

縉祺

次韻見贈二十四疊前

韻

答及門忻祖視茂才

江明

次韻見贈二十五疊前

韻

題費毓卿總戎

蛟門奏凱圖二十六二十七

六疊前韻

二首

光溪道中二十八疊前韻

張丈依仁封翁

善仿

輓詩廿九三十疊前韻

二首

散悶卅一卅二疊前韻

二首

室人二週年悵然賦此卅三疊前韻

酬天童寺僧敬安次韻見贈三十四三十五三十

鎮亭山房詩集

卷十四

六疊前韻

三首

二

酬某女史次韻見贈卅七卅八疊前韻

二首

酬邑侯黃鞠友大令

大華

次韻見贈四十四十一

疊前韻

二首

壬寅除夕四十一疊前韻

元旦詠雪四十二疊前韻

附和作八十三首

贈

答及門

次韻

見贈

感事集敘

弟子陳康黼謹撰

感事集者吾師鎮亭陸先生之所作也光緒甲午日本
人率舟師北犯旅順之役我師失利

皇帝兼容并包不忍海隅蒼生膏我齊斧許以議款償
兵費三百兆兩明年四月和議成時先生方主講崇實
書院勗諸生以持躬經世之學觀察使者儀徵吳公持
和議以聞先生則成七律一章越日疊前韻者凡五厥
後遇事抒感凡得詩四十有三首一時和者又八十有
三首都爲一集先生嘗謂事變之乘非智者所逆料然
人事之泄沓風俗人心之浮僞實有以陰驅而漸致之
議者不以是爲隱憂而歸咎於經制之未善謂非步趨
外人不足以收成效今觀甲午之役其成效何如哉昔
先生持節隴右西道新復於兵則以教育之者培厥元
氣童丈葺舫試於禮部遇甘涼之士道先生督學時政
教則曰吾鄉自回捻滋擾蹂躪徧郡縣得左文襄公而
民復其業得陸學使而士勵於學行養之者左公教之
者陸公也此可見先生之爲政矣今先生息影家園以
培植人才輔翼名教爲己任而忠愛之意時流露於詩
歌使出而經世其發抒者當何如哉若夫辭句之工讀
者自領之非所敢及焉

鎮亭山房詩集卷十四

鄞 陸廷黻 己雲

感事集

乙未四月望日生日感事示崇實書院及門諸子
甲子平頭又一年生逢四月初圓忽聞和議成盟約
爾覺憂心迫沸煎誤國何人甘割地救時無術可回天
正當生日還祈死戮力中原望後賢

次日復成一疊韻至五疊韻 五首

朝日通商亦有年亞洲同抱地球圓輔車久已遙相倚
萁豆何堪急自煎豈效虬髯爭海島卻教蝸角戰蠻天

鎮亭山房詩集 卷十四

四

漢家究誤和親局坐縱匈奴左右賢

黑河劃界立碑年甌脫何期缺不圓一隊軍先鵝鴨亂
十洲膠已鳳麟煎鶴招丁令歸華表龍護乾陵置奉天
千古巫閭稱絕徼閉關所賴守臣賢

海市登州變幻年師行枕席夢難圓地形齊魯山川接
軍勢湘淮水火煎若使田橫堅守嶼豈宜鄒衍善談天
書來頻報山東捷帷幄終推李泌賢

全臺內附百餘年議棄珠崖說未圓藩鎮乘時思建豎
海波揚沸苦熬煎縱然正朔遵三統豈有邊民戴二天
鷓鴣子一軍期反正輔唐端賴黑衣賢

白頭凝望已經年，夜半焚香祝大圓。告廟幾時俘頡利，築城何日破當煎。軍前涕泣與元詔，海上艱難建業天。大地山河還一統，廟堂原有濟時賢。
賈 同人和詩有以東山謝傅相引重者賦此答謝七
里山樂八疊前韻二首

一出都門近五年，歸來家室幸團圓。早知櫟社材無用，尙惜蘭膏火自煎。老去杜陵空感事，近來杞國但憂天。唯當泥飲從田父，清濁何須辨聖賢。

鎮亭山房詩集

卷十四

五

閒對茶鐺手自煎，冉冉無妨拋白日。悠悠何復問蒼天，不知幾道添碁局。徒卧東山愧昔賢。

奉酬邑侯楊稚虹明府

文斌

次韻見贈兼以介壽

九十疊前韻二首

新詩一卷唱酬年，寫出雲藍字字圓。韻譜宮商雙瑄叶，句調鉛汞一爐煎。

昔人以詩家情景合寫比道家鉛汞均調

凡音自愧同巴

里仙樂何期奏，葛天想見耽吟成。吏隱小林栖處式，前

賢

武進錢公宰鄞時以小林栖顏聽事終日吟詠其中

此谷携小

令君正及服官年，坐對虛堂一鏡圓。守比堅冰清在抱，政殊烈火迫相煎。修齡好祝齊山岳，衍策剛符合地天。他日杖朝尊國老，濟時應紹士奇賢。

奉酬吳福茨觀察引孫次韻見贈十一疊前韻

觀察明州駐節年年來幾易望舒圓二分明月欣攜贈

公籍揚州

一勺廉泉自喫煎土論翕然歡夏屋詩才清亦滌

秋天願公早晚膺雷寄霖雨方思佐治賢

奉酬吳竹樓編修筠孫次韻見贈十二疊前韻

聞道傳臚聽唱年五雲捧出日光圓毫揮珠玉隨風落

字鑿金銀鍊液煎雲笈合搜清秘閣寬裳新奏大羅天

詩篇花萼相輝映不數朝歌令長賢

贈郡侯錢甘卿潮時十三疊前韻

明公東海卧治年學校如林壁沼圓濟猛濟寬銀手斷

鎮亭山房詩集

卷十四

六

憂晴憂雨寸心煎

引吳待制守慶元詩

使車自合留侯霸時將去任州

宅還期傲樂天

用元稹觀察浙東詩

湖上一亭題眾樂宗風原不

遜前賢

贈梅鷺臣明府振宗十四疊前韻

宛陵家世盛當年品概珪方共璧圓權算全收番舶利

牢盆分典海鹽煎紅梅青草吟詩句

本宛陵集

赤水丹山住

洞天肯逐吾鄉仙尉老堂開有美趾前賢

奉陪邑侯楊稚虹明府齋禱醮壇卽事有作十五

十六疊前韻二首

秋成稍喜是豐年癘疫何期徧幅圓隕鄭箋暑溼浸淫

人易病陰陽診戾氣相煎幾從金匱搜方藥還叩瑤扇
禮梵天白髮齋宮同宿處活民終賴宰官賢

峇峇仙觀築祈年功德修持待滿圓逐疫略同桃茱具
添香合屑柏松煎蹠躑鶴駕來三島縹緲鸞音降九天
不祖陰符驅六甲如君何讓灌壇賢

京華回首廿餘年初覺春風誠面圓蘿蔦卻緣高樹施

前韻 五首

芝蘭不共衆芳煎曾聯清課開蓮社合綴微班步木天
鹿洞鵝湖商舊學淵源原可溯先賢

鎮亭山房詩集

卷十四

七

三持使節記當年冰鏡瑩瑩入抱圓合浦珠曾供采拾
蜀山銅又費鎔煎更來八月觀薄地又是三秋造榜天
疊晉芝坊酬異數宮僚應許領羣賢

拂袖歸來近二年破觚不肯轉爲圓龍門釋奠芹初獻

虎觀談經茗續煎君近主上海龍門講席豈爲流離猶擇地從來

出處本由天萼鱸畢竟非鄉味暫向松江作寓賢

追和前詩到卯年詩筒又寄竹筒圓一篇不厭千回讀

萬事能消百慮煎勺水卷山眞隱觀在月湖史越王別業微雲疏

雨嫩涼天秋來不盡懷人想字字空吟四十賢

舊年相見又今年離合眞同破鏡圓退老每思鷓鴣侶

閒居合買鷓鴣煎好尋笠屐遊山約正值霜風做冷天
旦夕倘能航海至開門掃徑待高賢

酬張棣笙丈寄懷二十二疊前韻

一去茗溪又半年巒宮重秉鐸鈴圓三千弟子高才集
七十光陰急景煎東海好尋鮭菜味西風又痛鶴鴿天
竹林遊侶晨星似待子歸來補七賢

酬陳次虎明經達熊次韻見贈二十三疊前韻

委心任運自年年和氣迎人到處圓兒女但求婚嫁畢
春秋可任暑寒煎龍蛇入陣工揮翰鷗鷺忘機近信天
甬上若編族望表何人不頌太邱賢

鎮亭山房詩集 卷十四

八

答及門董紀常明經縉祺次韻見贈二十四疊前

韻

已過江都對策年不妨詩老署松圓著書自號金樓子
製藥兼諳玉女煎君精醫理誰使穿楊成絕藝徒教攀桂仰
高天功名得失尋常事德行宜師冉閔賢

答及門忻祖硯茂才江明次韻見贈二十五疊前

韻

衣履翩翩慘綠年讀書胸有智珠圓箋詩古注桃蟲釋
照字明膏桂蠹煎朋館合移青玉案堦鄉空望白雲天
謂婦翁董覺軒明府終當直上蓬萊頂簪筆雍容侍集賢

題費毓卿總戎

蛟門奏凱圖二十六二十七

疊前韻二首

烽火東南傳警年將軍神智運方圓陣前豹略千奇變
海上魚魂百沸煎橫海樓船雄澤國巖城鼓角肅霜天
功名待畫凌煙閣不數峩冠戴進賢

猶記蘭西入寇年鯨魚跋浪浪花圓局將鎖鑰關門固

燒盡餘腥海水煎似奪崑崙乘此夜以乙酉上元夕破敵直疑丁

甲降諸天是夜神燈徧山僉謂辛丑殉難諸忠陰來助陣破羌試聽鐃歌唱合

許論功獎武賢

光溪道中二十八疊前韻

鎮亭山房詩集

卷十四

九

艇舫六尺駕長年舵尾微波轉處圓樹影遠如青蓋覆

溪光濃似碧油煎上方鐘磬林間寺斷岸雲霞水底天

遺蹟尙留高尙宅應拈香瓣謁鄉賢

張丈依仁封翁善仿輓詩廿九三十疊前韻二首

合書行義合書年春在先生到處圓與世周旋成習慣

解人紛難釋煩煎釜鐘銘德孚三郤綸綍推恩錫九

天一自蓋棺論定後同聲皆曰國人賢

望衡對宇往還年時共同人接席圓小別每懷雲樹想

清談常摘雪芽煎論交原不拘行輩結契還堪證性天

豐對樓前重過處子期應弔竹林賢

散悶卅一卅二疊前韻 二首

忽忽悠悠年復年，毀方終究不成圓。
漫言酒可消愁用，不信茶因散悶煎。
政令漸看夷變夏，綱常誰解地承天。
杜陵忠愛成何益，憂國朝廷自有賢。

香山句

且自優游樂晚年，無妨盂水逐方圓。
斬除荆棘心無礙，料理參苓手自煎。
不履不衫行藥地，乍晴乍雨熟梅天。
羣居終日原無事，猶解心希博奕賢。

室人二週年悵然賦此卅三疊前韻

死別吞聲已二年，樂昌破鏡總難圓。
劇憐目極平原斷，大似腸迴杜曲煎。
試聽哀絃三兩撥，不知離恨幾重天。

鎮亭山房詩集

卷十四

十

抱孫甫看蘭芽茁，望爾冥冥佑後賢。

酬天童寺僧敬安次韻見贈三十四三十五三十

六疊前韻 三首

名山別後幾經年，夢想松關塔影圓。
忽捧一篇新句出，如聞百和細香煎。
君同賈島還參佛，我比湘纍欲問天。
時局於今難再問，好開蓮社待高賢。

空山歲月不知年，應現毫光頂上圓。
桂子自從雲外落，蓮花可任火中煎。
詩人位置清涼境，佛國因緣極樂天。
我是法和舊道士，虎溪一笑晤三賢。

僧臘於今不記年，牟尼一串念珠圓。
拈將貝葉繙經用

拾得松枝汲水煎行脚偶來三佛地

四明古稱三佛地

詩肩應

聳五更天置身方外還憂國菩薩心腸卽聖賢

酬某女史次韻見贈卅七卅八疊前韻

一首

漫言卻病可延年且喜維摩丈室圓窗暖漸看冰硯釋

藥香還傍地爐煎忽投柳絮因風句正及梅花小雪天

似此才華工賦茗芳徽應紹令暉賢

京華一別十餘年遙想觚棱夢不圓詩句重勞三疊和

愁腸又覺百迴煎挂冠神武曾充隱倚劍空同欲上天

閬闔手排眞宰泣所祈聖主得臣賢

酬邑侯黃鞠友大令

大華

次韻見贈三十九四十

鎮亭山房詩集

卷十四

疊前韻二首

十一

錢塘移宰甬江年比戶棠陰覆處圓大冶自然歸鼓鑄

小鮮原不費烹煎杏花村裏春行野柏子香前夜告天

異日上書安福殿固應議論壓時賢

今茲寒不減堯年詩語如同鶴語圓鬪韻直堪叉手得

憂時同抱寸心煎才名江夏無雙士時論城南尺五天

幸勿歸田萌退志須知從事獨稱賢

壬寅除夕四十一疊前韻

爆竹聲中又一年鏡聽同抱鏡形圓酒浮柏葉尊前共

粥糝桃花釜底煎此夜祭詩參島佛明朝獻歲祝堯天

浯溪合上中興頌古史應探玉篋賢

元旦詠雪四十二疊前韻

已卜今年大有年花霏六出散來圓妝成白屋渾難辨
點入紅爐不用前翠柏蒼松貞晚歲瓊樓玉宇漫遙天
乘春誰布陽和澤獻曝還思野老賢

附和作 四首

楊文斌

清華才地太平年一笑蟠桃海上圓志學耳能隨意

順抗懷膏不爲明煎高風絲竹師安石雅會耆英繼

樂天快晉一觴歌一曲風流人說媿名賢

忽值天驕犯順年自去夏倭人蠢動東南海宇莫不戒嚴金甌驚說夢

鎮亭山房詩集

卷十四

十二

難圓

朝廷有割畀臺灣之舉

手繙青史發深歎心爲蒼生費苦

煎海嶽精神應壽國經綸才調合回天步趨更願申

三祝莫羨當時避世賢

五朵雲歸養大年故鄉卿月更高圓經儲漢石心爲

畫士行山銅手代煎洞壑潛蚪居勝地觚稜神爵夢

諸天河汾十策傳忠愛房杜門生幾輩賢

清白慙當服政年心塵思滌智珠圓治源流水千迴

折民俗鎔金百改煎江曲行歌哀白屋遼東自責懼

青天永卿筆劄從今始爲有元城待制賢

二首

吳引孫

秋戰春盟未及年隨人鑿柄就方圓蜃消不復成樓
幻魚爛何堪待釜煎原是寸金偏割地更無一柱可
擎天董狐史筆終須定清議難逃後世賢

甲子從新數大年吟成佳句比珠圓匡時策早邊陲
上選士茶曾試院煎歸隱著書饒歲月高懷濟世薄
雲天江湖魏闕分明意再覩東山謝傅賢

二首

吳筠孫

烽煙告警苦經年自謂和戎立說圓靖海無人終委
棄伏波已老枉焦煎黔彭憤戰難摧敵王謝盈廷孰
格天誰秉國鈞甘誤國救時有愧古臣賢

鎮亭山房詩集

卷十四

十三

蜚英瑣闥廿餘年行誼端方智更圓祕校石渠儕筭
列文衡試院憶茶煎秦西沾漑歌時雨林下優游養
性天身在江湖心在國東山羣重濟時賢

四首

朱琛

鶉羣啟宇日如年人壽剛逢月正圓脫屣功名能勇
退關懷時事切憂煎長生不羨籌添海忠悃還思石
補天廊廟江湖原一致肯將樹立讓前賢

著述優游合假年鑪香一室篆常圓月湖泛濯清波
映煙嶼烹茶活火煎劍氣每騰風雨夕巢痕猶戀九
重天東南壇坫惟君主突過時流幾輩賢

菌蛄何知說大年望舒已幾百回圓能齊生死非虛
誕爲愛君王轉迫煎詩詠蒹康躋上壽易言憂患契
先天良辰攬揆欣開甲耆碩應推海內賢

芝蘭氣誼屬齊年別後瞻輝幾度圓招我清游消塊

壘誦君雅詠洗煩煎湖濱已攬名山水昨至杭遊西湖雪竇

重尋小洞天何日買舟來踐約棲巖肥遞訪高賢

二首

陳達熊

玉尺量才記往年短方又復應規圓今當羹沸詩人
詠奚若茶香試院煎生不逢時嗟白髮老猶顧國問
蒼天渭南遺集家風在耿耿中原契昔賢

鎮亭山房詩集

卷十四

十四

葫蘆依樣畫年年偷度光陰月幾圓漫道載書誰擬
議姑寬國計免憂煎一心但得無欺已萬事何妨且
信天我已半生空自負後來惟望子孫賢

二首

董縉祺

祇道金甌鞏億年近聞和議理難圓契丹受地三邊
急突厥行成萬命煎太息賈生空待盡悲哀庾信只
呼天杜陵野老江頭哭猶望中朝將相賢

皇輿恢廓幾經年臺北遼東舊幅圓若使封疆輕棄
擲從茲憂患迫熬煎燕圖豈飽難盈壑媧石須完有
缺天魏絳和戎修晉霸卻看青史愧前賢

二首

鄒宸笙

屈指崧生嶽降年歲踰周甲月重圓皋比坐擁談初
劇鶴唳驚心苦自煎金石作聲徒擲地棟梁程器欲
搯天伏波雖老猶堪用此意昭昭古聖賢

魚羊竟是食人年鈕絕坤維壁不圓但冀譙周延蜀
漢不聞段熲破當煎義聲猶望聯盟國劫運終回此
醉天桃李新陰餘盼盼纒蒲會訪白駒賢

三首

忻江明

版圖超軼漢唐年天塹東溟作幅圓競道令公威黨
項頗聞都尉破當煎安邊誰使無長策補石終留有

鏡亭山房詩集

卷一四

一五

缺天魏絳和戎殊失計春秋責備在前賢

抗懷回溯中

去

興年幸覩金甌缺處圓迨雨幾曾深

計慮積薪徒自迫熬煎山河六代成官地功罪千秋
顛帝天百萬金繒供手擲救時猶道相臣賢

離亂驚心天寶年深宮感泣識崔圓龍蛇欲起三邊
棘猿鶴聲哀百慮煎元振寢兵甘辱國杜陵憤世每
呼天東山早繫蒼生望我爲斯民敢借賢

六首

陳康黼

杖履春風祝引年講帷全放佛光圓爭摹手筆三都
賦願乞心香一瓣煎自有文章傳軾轍別饒詩史記

開天東山夙抱安危志要爲蒼生起大賢

海國爭雄二十年武靈變服引弓圓戎機卧榻防酣
睡黨禍膏蘭况自煎誰使泉刀輸日逐轉令干戚舞
刑天厝薪絕少長沙策猶說羈縻結左賢

樓船橫海已經年雲氣輪囷陣影圓豈謂軍驚鳴鴨
亂俄然膠解續麟煎丁公志早歧三戶吳起兵猶說
九天發縱何人誤機事臨流空憶祖生賢

遼瀋 龍翔二百年金甌互古奠基圓從知割地盟
難恃等是求冰水誤煎魏絳和戎親納土藥羅醉酒
詭呼天廟堂未必無羣策義憤偏輸海島賢

鎮亭山房詩集

卷十四

七

毘耶風靖記當年測地全收海鏡圓鶴鶴無端連艦
下魚龍又困沸波煎黃頭擢浪原勤漢黑子丸泥藉
補天拭目成功旦暮事歸誠須賴寄奴賢
星韜鋒發洛陽年輜採甘涼賦筆圓月到冰壺心比
潔泉香石鼎手親煎浩歌杜老惟憂國入夢陶公總
倚天 盛世難堅高卧志平淮勳業待儒賢

七首

梅振宗

東瀛風浪起經年鑿空何人更鑿圓幾見滑橋誅突
厥未聞惶谷破當前三邊已失無垠地一柱誰擎欲
折天晝夜羽書傳急報廟堂方擬策羣賢

習戰昆明不計年
五花魚麗判方圓
跨山妄挾飛車度
涉水難勝裹釜煎
遼海旌旗朝蔽日
魯門烽燧夜連天
一時棋局齊傾覆
翻遜平居飽食賢
漢家自過中興年
卿相何曾說惡圓
玉帛風雲齊會合
參苓洩勃共熬煎
揮戈枉逐虞淵日
闕管空憂杞國天
聞說勳名中外重
南猶頌一人賢

伏波橫海記當年
底定東甯廣幅圓
蜃氣噓雲環島現
虎形蹲雪刮波煎
朝廷忽棄珠崖郡
城市如歸忒利天
不意劉公從事盛
誓師更比一書賢

和戎獻策始何年
往往占星望月圓
太尉懶教希顓

鎮亭口房詩集

卷十四

七

賺相公忍使隰朋煎
布金有客工鋪地
鍊石何人獨補天
重整鼓旗新壁壘
濟時端賴棟梁賢

辭別金門暫引年
觚稜回望日華圓
知人論世三長具
感事憂時百慮煎
愛國務觀思破敵
居鄉甫里自隨天
傳家况有機雲在
學業科名總象賢

歸擁皋比又四年
鱸鄉安枕夢痕圓
閒編瓠史門生校
細點茶經侍女煎
叔則風裁清若水
小陵才力健摩天
詩窮媿作都官語
乞序廬陵玷巨賢

時方編輯拙稿擬乞

弁言

二首

廖壽豐

秋興詩成天寶年京華北斗月輪圓共傳律到夔州
細贏有腸回杜曲煎瀲貊舊疆空屬國義璘光彩自
中天要憑籌策紓宵旰願挈蒼生屬此賢

珍重河汾抱道年甄模萬彙入方圓九方術盡天閒
駿百鍊鋼憑大冶煎豈必蒲萄採西極好搜竹箭蔚
南天二三俊傑門牆在羣雅應能頌育賢

沈燮

詞曹清望重當年勘破春婆夢便圓歸老家園分鑑
曲衡文試院憶茶煎丹山赤水逍遙地玉宇瑤樓縹
緲天倦倦未忘軍國事塵譚肯效昔時賢

鎮亭山房詩集

卷十四

十一

和戎上相迫衰年安得金甌缺復圓割地議堅眞錯
鑄憂時心熱共燈煎遼陽未撤千屯戍臺嶠猶支半
壁天所望桑榆收後效枕戈嘗膽賴勳賢

幾輩英才屬少年胸中柄鑿泂方圓夷情叵測含沙
幻民力奚堪迫火煎賈傳上書思伏闕張公論事解
回天門牆桃李今稱盛報答明時後起賢

鄞江橐筆感頻年瞥眼中秋月再圓難得論詩聯茗
話翻從視病間桑煎世無扁鵲誰醫國時作離騷欲
問天慚愧無才參幕畫此邦幸說使君賢

包科駿

聖主承歡祝萬年
娥臺春永慶團圓
龍城舉燧三軍集
鳳閣停盃百慮煎
正好傾心遊禹甸
定教回面向堯天
雄師一出更寒暑
弭盜猶應說得賢

武臣安享太平年
秣馬龍堆月正圓
百戰應聞邀寵眷
九重誰爲解憂煎
軍興林邑方爭地
變起苗民敢逆天
遙望三韓何處是
始知頗牧舊稱賢

遼瀋塵兵已隔年
觀光况近日輪圓
營平暮齒雄如故
宗澤憂心苦若煎
幾處金城成戰地
一方銅柱指摩天
青齊尙有飛書者
從事漫云我獨賢

朝廷養士歷多年
保位休誇智欲圓
伴食何人將箸借
流庸無罪苦沙煎
和戎使者纔回國
伏闕書生正籲天
太息辭官旋里客
挂冠可似二疏賢

誰守全臺近一年
模稜肯遂效觚圓
黑鷗舊隊秋風勁
赤子今番夏熱煎
業缺金甌嗟割地
威騰銅鼓響連天
海隅義氣昭千古
何物臧孫尙妬賢

先生歸里幾經年
高卧空山好夢圓
海國於今驚沸瀆
水鄉何處滌煩煎
狼烽觸目愁成陣
虎劍懸腰氣指天
我是河汾舊弟子
也將悲憤訴羣賢

返轡京華未老年
明山望月幾回圓
千番國事驚

絲亂一點臣心苦火煎誰斬鯨鯢橫巨壑獨留松柏
聳寒天黃公本是吾鄉長四皓中夏黃公鄆人出處能權士號
賢

星使詞曹去數年停輶蒲類海波圓宦途萍泛蹤嫌
滯試院茶香手罷煎不意雪鴻歸隴塞屢聞風鶴叫
雲天塵冠自此不重拂憂國朝廷竟乏賢翻用香山句

相識初從總角年作文語便串珠圓士林衣鉢君多
授僧舍膏油我並煎丙寅歲同在天甯寺先覺堂設帳綠野頻過眞

樂地青山偕隱有閒天太平時節倘重遇先達應還
薦汝賢

鎮亭山房詩集

卷十四

才名四傑盛唐年造句金鈴箇箇圓浮藻知多將筆
掃精英閒幾歷爐煎聯吟愧我殿粉社獻賦羨君超
木天可是宗風紹稽水劍南大集式時賢

罷作閒人已匝年朝廷僱我作閒人前人句也夢中猶對璧池圓

盡除俗慮繩牀卧偶滌吟腸茗鼎煎小技雕蟲爛自
昔清才繡鳳稟於天效響縱苦遜佳麗恰費安排四

十賢

閱歷紅塵既耄年浮生如夢夢難圓名場回首餅空
畫世局經心湯煎煎欲效魯生甘蹈海幸逢鄒衍快
談天人言我得清閒福百事無成豈曰賢

難堪秋暑困衰年，思憩巖松蓋影圓。
游釣侶疏緣病擾，詠吟興減爲憂煎。
鷓鴣甫返江東地，兔窟聊營郭北天。
新居在城外北斗河詩此處問誰是嵇阮，清談待集竹林賢。

明僧二首

黃大華

臘鼓聲催又一年，夜燈靜對影孤圓。
宦情似畫難描寫，世態如湯自沸煎。
把酒不忘三徑菊，爾來求退未遂挂帆

曾泛五湖天。劍南詩卷從新讀，敢蕪心香拜大賢。

養望東山已十年，平泉風月比珠圓。
梅花千樹詩魂煉，香茗一甌試院煎。
只有聲名能滿地，何曾文字可

鎮江山房詩集

卷十四

三

回天退居猶不忘君國，當代無如此老賢。

十四首

僧敬安

瓊島吟歸莫問年，青松手種蓋初圓。
講筵人坐春風暖，試院茶思舊日煎。
北海無尊不醉客，東山有夢亦朝天。
月湖煙景今寥落，白社重開望大賢。

一卧蒼洲今幾年，澄波皓月悵孤圓。
黑風欲撼三山動，劫火能將大海煎。
白髮詞臣苦憂國，緇衣釋子忝談天。
四明耆舊凋零盡，魯殿惟存一老賢。

相逢莫話永嘉年，痛哭金甌缺不圓。
佛眼亦因塵劫閉，禪心如在滾油煎。
七分割據花宮地，時當軸有議以佛寺田地

七分充學堂經一綫憂存杞國天太息江湖今日下
費留三分養僧

中流砥柱賴公賢

痛心君國此何年誰使蟾宮月不圓白髮慈輿憂板
蕩黑頭宰相慘熬煎空門到此容無地時勢於斯莫
問天大海魚龍秋寂寞含悽惟覺野鷗賢

滿目煙塵年復年驚心風鶴夢難圓桃源隱逸皆拘
捕連沼深清也汲煎摩竭吞舟思渴海修羅障日欲
排天夷齊若使生斯世餓死西山亦不賢

不幸遭逢衰晚年腥羶分佈地球圓蝸頭有利都爭
括龜背無毛尙苦煎縱是魯連難蹈海若非靈運定

生天知公便死猶睜目王室中興望後賢

小隱城西那紀年此心如水任方圓溪邊茅屋牽蘿
補松下寒泉帶月煎一杖白雲行樂地四山黃葉著
書天老來萬事都無累陳寔人稱有子賢

見說名山別有年松關清夢總難圓但借屐破苔痕
至準備茶將雪乳煎三徑綠雲蕉葉地一簾紅雨杏
花天明春樂事知多少塵榻高懸待二賢

蠶食鯨吞感歲年版圖不似舊時圓華夷混合手輪
集利欲交爭萬火煎捧日有心空向日補天無術欲
號天茹毛飲血吾何敢所賴遭逢聖主賢

一瓣心香祝有年金輪早御四洲圓但教世界氛埃
淨甘受鑊湯爐炭煎中外大同歌舜日生民長共戴
堯天區區愚念何時遂訴向尼山古聖賢

一室蕭然懶計年漸看鶴髮蓋頭圓時煨野芋留雲
餉自汲寒潭掃葉煎萬壑松濤明月夜五湖煙水白
鷗天老投巖谷藏吾拙火種刀耕效昔賢

林間小住已年年掃石爲牀枕木圓閒翫溪雲將衲
補淡收山翠當茶煎半鉤白墮巖前月一線青來樹
裏天無事巖中時晏坐渾忘十聖與三賢

寒盡深山又一年雙池皓月幾回圓世情淡似秋雲

鐘亭山房詩集

卷十四

三

薄禪味清於夜雪煎人在定中忘白日屋從破處補
青天由來佛法無多子翻覺毘耶杜口賢

寂寞幽居老忘年忽驚珠露滴松圓碧蘿風動蒲龕
冷白朮香聞瓦罐煎不許微塵生淨土欲移定石坐
禪天山中聽罷蓮花漏苦憶陶潛解印賢

贈四首

姚景夔

小隱歡臻上甲年萊筵酌彩兕觥圓金門對策雙聲

麈

先生入翰苑時聞
中諸作傳誦都下

石鼎聯吟百和煎

先孝廉在日
先生曾有大

著初夏卽事五律四首讀戰
國策五古七首手抄傳觀

史著千秋藏綠野香焚

五夜祝蒼天巋然欲獻靈光頌佩義襟仁式後賢

詞林供職慕當年入侍簪毫鏡影圖鎖院掄才憑玉
尺蕊宮錫謙拜璫煎鯉庭詩禮當前樂蝸角風濤海
外天身在江湖心魏闕宣公盛績續名賢

仙椿壽記八千年夢悟櫻桃一鏡圓鐵甕泥丸關未
塞風輪火瑄澗頻煎詩吟子美歸同谷賦擬靈均欲

問天追想中興唐社稷還憑郭李武臣賢

閱盡滄桑度暮年相期花好月常圓書空莫罄巫咸

訴煮海難求猾裏煎朱徽堂將軍貴云安徽壽光山
有干歲彪名猾裏得其油可煎

海焚夷船西序傳新開馬帳東山解組戴堯天他時願

問重徵召會觀調元繼昔賢

鎮亭山房詩集卷十四

問世四首

黃家鼎

五

自別門牆感歲年月華六十二回圓身同衰鳥籠初

脫世等枯魚釜尙煎詞賦諸生金擲地步趨小子管

窺天河汾學派於斯盛軾轍齊名况象賢

怕說羊年與馬年山河破碎幾時圓臣心空抱憂時

憤民計今無酌海煎器忌鮑歸應避地整生蟣蝨亦

關天洗觥補晉臺萊頌媿列申公弟子賢

遂初賦值悼亡年松菊荒涼月不圓容足芒鞋拈草

織充腸蔬飯用桑煎閉關摩詰還逃佛呵壁靈均欲

問天四十歸田從所好豈云高尚傲時賢

和詩我獨後三年韻不求工語未圓談藝燈憑清夜
續品泉茶記昔時煎散人志趣雲歸岫夫子文章日
在天小憩東山期再出蒼生共仰謝公賢

戲天三首 早熈明 蘇東坡 蘇中 蘇東坡 趙潤

題詩自壽著書年滿紙排珠字字圓罵世文章和淚
寫救時藥物雜憂煎憐才巨眼操冰鑑愛國吟魂戀
木天絕妙一篇修禊序蘭亭座上壓羣賢

潦倒風塵不計年年今夜月光圓乾坤尙被頑雲
塞腸胃空教忿火煎畢竟臣心都捧日可堪鬼掌亦
遮天一官無補卑他小敢冀人知柳下賢

鏡亭山房詩集 卷十四

五

四首 蔡雲章

烽火遼陽已歷年旌旗高矗陣雲圓三千鯨甲驚淪
滅十萬蟲沙苦爍煎鼙鼓聲聲沈北薊櫓槍歷歷指
南天身留夔府心京國唐代羣欽杜老賢
運際紅羊換劫年江湖魏闕夢難圓秋深巫峽聞猿
嘯雨滴空階咽蟪蛄煎戍散渾河雲作壘艦橫遼海水
連天匡時早獻明廷策誰是中流擊楫賢

驚心風鶴記年年祇慮金甌缺未圓補網尙憂麋鹿
觸膠絃應待鳳麟煎虞淵有恨難迴日湘水無情欲
問天氣祲纔銷愁更集安危幾見相臣賢

珍重山林養望年
松堂藉聽講聲圓
狂瀾莫遂昌黎挽
枯水無勞粟里煎
破碎十洲還割地
支持半壁孰擎天
睢陽一老留人瑞
劉向傳經啟後賢

鎮亭山房詩集

卷十四

鎮亭山房詩集卷十五

鄞 陸廷獻 已雲

歸田集

春莫漫興

童蕪舫農部輓詩 四首

詠五月菊

題嚼梅圖

送周味蓮中翰還滬 二首

何植園以對弈圖屬題其實祇一人也第四十五

示十年稍差耳蓋隱寓身世之感矣 二首

鎮亭山房詩集 卷十五

示瑾瓊兩兒

莫愁湖 二首

次韻袁爽秋觀察同年 和莫愁湖詩兼酬見贈

附原作 五首

秦淮雜詩 十四首

鎮江舟次

贈陳洛君明府 錫鬯

時同客金陵 江西人官蜀被議歸

贈朱霞林貳尹 枚湖南長沙人

贈張棣笙丈 二首

次韻奉酬張棣笙丈見和之作 四首

附原作 六首

張岱年

疊韻答張棣笙丈留別 二首

附原作 二首

張岱年

重宿彰聖寺

張丈竹晨方伯輓詩

擬陶責子詩

嘉平六日張奎垣軍門 其光

招閱鎮海防營越日

復陪中丞廖穀士同年再至前後得詩凡二十

首

鎮亭山房詩集 卷一五

二

鄭梅卿明府 震輓詩

病中作

招邵小村中丞唐泉伯嚴筱舫葉澄衷三觀察湯

癸生舍人徐秉甫孝廉湯松巖上舍徐園小集

張道庵司馬招飲卽席賦贈 二首

鎮亭山房詩集卷十五

陸廷獻 已雲

歸田集

春暮漫興

沈約郊居夙願違強排心事送春歸晨檐露重垂蛛網
午院風微趁蝶衣紅頰漸添桃暈薄黑心初茁豆花肥
灌園亦試爲霖手抱甕何嘗偶息機

童菴舫農部輓詩

四首

門第江東冠盛時文章人物兩兼之潛郎近守三司例
造士新稱一縣師金石收藏多跋尾園亭位置徧題眉

鎮亭山房詩集

卷十五

三

如君豈獨嫺風雅七上春官歎數奇

昔年兩世列門牆曾拜銀臺與侍郎結伴一偕京兆試

論交終在丈人行揭竿共定倉皇局

指濠河毀卡事

驅石還填

汗漫鄉

謂近修永鎮塘事

可惜彈冠相慶意不曾封事上交章

背郭臨流葺做廬買鄰買宅共郊居消寒雅作西園集

懷遠勞修北地書三徑延人緱嶺鶴一盤饋歲蜜巖魚

君嗜密鮎魚爲歲致之

如今往事成追憶老淚無多已滿裾

舊交落落數晨星問疾頻來漫息亭一喘空教承軟板

用東坡事

九幽遠悵返靈輶劇堪含飯逢寒食那得餐英駐

曼齡剩欲報君文字役倘容泚筆寫碑銘

詠五月菊

曾爲重陽冒雨開霜天顧影獨徘徊如何也作趨炎想
翻與榴花鬪豔來

題嚼梅圖

耐冷空山本不嫌手調冰雪入毫尖莫言此味寒酸甚
他日和羹正配鹽

送周味蓮中翰還滬

二首

滬江歸向甬江游來作平原十日留敗榻卅年聯舊雨
涼天一味薦新秋金尊愧乏清歌侑寶劍難將厚意酬
垂老故人今有幾漸看六十各平頭

鏡亭山房詩集

卷十五

四

頻年假道客春申君是居停舊主人我昔逢君常信宿
君今去我亦逡巡劇教天意增風雨樂與知心數夕晨
所愧腐儒粗糲飯不堪維繫詠嘉賓

何植園以對奕圖屬題其實祇一人也第四十五

十年稍差耳蓋隱寓身世之感矣

二首

別樣鬚眉各寫真交形交影更交神兩邊攻守籌全局
百道縱橫策要津黑白自拈高下手元黃誰判合離身
爛柯山上醒初夢松鶴從教結比鄰

清簟疏簾坐兩頭一杯相對儼棋讎不分勝敗均堪喜
縱博輸贏得自由詎讓王褒能覆局可知范蠡善持籌

向人肝膽今猶昔揮手千金老未休

示瑾瓚兩兒

讀書期有用豈僅取功名功名期有用豈僅取公卿天爵在所重人爵在所輕命固有窮達運亦有屯亨行拂亂所爲乃以玉女成先哲有明訓爲學先治生衣食苟粗足自可辭紛營吾少食貧賤日或三餐并尋源昨奉使祿入稍豐盈有屋差可居有田差可耕有書差可讀几席羅縱橫汝輩席舊業豈必金滿贏持家貴勤儉接物貴和平外圓而內方爲矜不爲爭外柔而內剛氣節愈錚錚勳業志韓范理學師周程學優而後仕體立用則行豫章千尋木巖石理精英鬱爲梁棟器將扶大廈傾逸哉翰苑集庶幾追家聲

莫愁湖二首

金陵古說莫愁湖剩粉零脂今有無半角樓臺棋外劫一川煙雨畫中圖江山坐此爭雄霸居處依然屬小姑揮扇競傳名士渡年來蹤迹久荒蕪

功臣開國與中興前有中山後有曾遂使湖山同片石卻留香火奉閒僧大江孰挽東流水高閣來登最上層每聽鼓鼙思將帥和戎何事議金縢

次韻袁爽秋觀察同年和和莫愁湖詩兼酬見贈

之作 五首

但洗塵心不洗愁春來杜若滿芳洲鴛鴦湖暖鶯爭樹
翡翠簾低燕蹴鉤碧玉才人抽鏡屨紅牙小妹理衣箒
竭來共聽青溪曲擘盡篴篥不解憂

遣像勝棋樓上在當年勳績想從龍大功甲第連雲起
異姓侯王裂土封勒石尙留青蘚篆還山新長紫芝茸
英雄事業隨流水一任湖光變淡濃
當代中興此肇基曾侯忠孝本天姿辦香湖上留椒醕
靈駕雲中導桂旗郭相自安唐社稷汴人重觀漢官儀
東山愧負蒼生望緬屬前賢拓舊規

鎮亭山房詩集

卷十五

六

昔時鸚鵡翼比文翰點筆曾同倚石欄一別京華年矢速
相逢逆旅夜燈闌欲扶敗局棋難下重拾餘歡瑟罷彈
恨別感時俱不盡酒杯那得放懷寬
亦共君山涕淚多豈宜林壑臥春蘿上書久已塵封事
在京時曾有 請劍誰當授太阿夢裏觚稜丹闕迴客中
征東一疏 襪被白門過江南一唱龜年曲只聽聲聲喚奈何

附原作 五首

袁 昶

十頃湖光萬斛愁折梅璫札寄西洲瑯闌垂手明於
玉翠幕禁寒怯送鉤姑射仙人歛絳樹平頭奴子拭
香篝遣愁愁已知人處誰是登樓銷百憂

梁代豔歌花似雪中山湯沐氣如龍十三織女金梭
擅第一功臣鐵券封花發陌頭歸緩緩蒲生池上采
茸茸試看油碧車行處春水生如綠酒濃

灑落君臣賭劇棋腰間長箭虎熊姿禁中玉帳方謀

帥湖上金支尙閃旗收泣新亭曾相續張筵別墅謝

公儀大航兒女休愁思近倚尙書拓遠規

辛未六月湖祠落成

湘鄉曾侯相讎集賓僚酒半語吏部郎范公鳴鶴稱

道南皮張公奉使視鄂學之賢聲近百年來所未有

今南皮公繼湘鄉持節若有先兆者然

喜遇天隨風送翰未借游屐雨憑欄草生朱雀新航

路花發胭脂舊井闌沈水博鑪緘遠思朱弦玉指發

哀彈與君同是東華客何許澆愁酒淺寬

寥落同科宿草多羨公遠性就煙蘿育玉碑尾兼庸

峻延閣詞頭絕唯阿瘴海交稀孝章在青溪祠曲蔣

家過東西勞燕分飛頃蕭瑟飛騰奈爾何

秦淮雜詩 十四首

花月春江夜未央琵琶箏笛擅當場鷓鴣歌裏聲聲慢

不數當年頓與揚

舊日文園金谷園至今廢址與頽垣秦淮風月依然在

桃葉桃根結子繁

十里珠簾隱隱飄綠紗窗月夜吹簫舟人指點停橈處

二百年前紅板橋
白門懸
周河廳與郭河廳
四面玲瓏做水亭
別有牽人情緒處
沿隄新種柳條青
春來暗
鷓鴣裘禦淺春寒
貫酒河房漏欲殘
可惜薛濤牋一幅
無人解畫玉京蘭
水西門外水西流
激灩波光映畫樓
打槩乍停桃葉渡
開筵齊上木蘭舟
當時置驛慣通賓
客裏猶然作主人
倒鳳雙安
紅燭底衣香帽影照濃春

臨春結綺壓雲低
玳瑁梁空燕落泥
玉樹後庭花一曲

鎮亭山房詩集

卷十五

八

猶聞樂府唱南齊

前代已荒江
令宅後人欲奪謝公墩
惟餘碧月瓊枝夜
還照青溪舊漲痕

內家裝束出人間
新看龍舟競渡還
解識君王無限恨
一時爭唱念家山
綾匣新呈燕子牋
教坊女伴妙吹彈
可憐南渡興亡事
并入桃花扇低看

豔說前朝十二樓
春來都作冶城秋
桃花自抱無言恨
夫婿風流似蔣侯

一賦江南自可哀
白門楊柳揜章臺
眼前姊妹花如此

不見僧房寶相開

東風吹向秣陵行
嗚咽秦淮不盡情
十日平原鴻爪迹
新詩尙許續新城

鎮江舟次

東歸直下潤州城
飛渡輪舟四翼輕
兩點金焦波欲沒
萬家樓閣雪初晴
樹移遠岸銅鉦出
潮落荒江鐵鎖橫
北固由來形勝地
况聞海上未休兵

贈陳洛君明府

錫甯

時同客金陵

江西人官蜀被議歸

孫楚樓頭弔六朝
元龍豪氣未全銷
一官雞肋原無味
千古蛾眉信有謠
戀棧何須思蜀道
掛帆且喜泛吳舳

鐘亭山房詩集

卷十五

九

升沈本是尋常事
好向蘭陵醉濁醪

贈朱霞林貳尹

枚湖南長沙人

暫欣李郭接同舟
幕府山前共快游
太守何人能薦禰
侍中此日向依劉

謂康侯觀察

功名奚止官丞簿
文字終當

壓輩流
咫尺蓬山應未遠
江南雖好莫淹留

贈張棣笙丈

二首

自別春申浦相思
兩渺然
重逢衰老日
正值亂離年
霧氣江湖塞
風聲草木傳
桓桓諸將士
早晚畫凌煙

我已投簪老君猶戀一官
難禁猿鶴怨况有鵲鴿歎

時得

令弟方家國餘新淚
親朋渺舊歡
明年開洛社
尊酒尙

盤桓

次韻奉酬張棣笙丈見和之作 四首

茗雪浮家客

時司訓湖州

今朝偶一歸會開松菊徑相待芝

荷衣頗愧金尊淺遙聞玉漏移雞窗談未已了徹悟禪機

飲博為游戲閒春未易遭詩脾鑄象骨棋簞拭蛟豪注

酒傾家釀和羹雜野蒿欲為排悶計風趣合追陶

昔年商出處遠志與當歸奉使曾持節還朝便拂衣水

田收稅足朝士報書稀為謝諸先達毋勞薦陸機 本隋州句

時常熟尚書茂名副憲師貽書勸駕

鎮亭山房詩集卷十五

十

世事浮雲變因風任所遭自耽泉石癖能敵鼎鐘豪地僻可躬稼時艱徒目蒿憂違行樂意造物任甄陶

附原作 六首

張岱年

久別思重聚茗溪一棹歸我猶貪薄俸君早遂初衣

舊雨今幾盡高風古所稀春盤招夜飲談笑共忘機

海氛還未息家難又頻遭 時三弟竹晨胞姪雲孫相繼逝世 隱痛情

無已沈疴氣不豪百年終首藉三徑徧蓬蒿所望高

軒過長教釋鬱陶

青春隨處玩白首故鄉歸策杖躋華屋攀幃見素衣

壘篋悲感切裙屐往來稀猶幸會文酒雲間有陸機

我生行我素窮達任相遭宦况貧彌甚吟懷老復豪
新衣將製芟舊里忽歌蒿况是田園廢歸來共悵陶
本是京華客飄然邦族歸星曾隨使節露尚賸朝衣
子弟式型久公卿通札稀蓺花兼看竹行樂具天機
疇昔僧樓住同治丙寅與君同設帳天靈寺歡言日幾遭雲泥嗟境
緲風雨記情豪道遠承貽錦七十賤辰荷贈楹聯堂深溯闢蒿
過從雖偶爾跋老意陶陶

疊韻答張棣笙丈留別 二首

偶作還家計原非乞老歸依然循宦轍重與理征衣詩
句成留別年齡邁古稀懸車期已過好息漢陰機

鎮亭山房詩集

卷十五

二

歲時蕭灑送身世貼危遭猶及挂冠早空餘論劍豪田
園收芋栗明徑翳蓬蒿休負明年約同尋彭澤陶

附原作 二首

張岱年

乞骸吾所願貧病礙難歸暫聚歡銜酒重離淚灑衣
燕巢驚已被雁序悵逾稀且作明年約還山會有機
老死人皆是何堪骨肉遭笑談顏縱強游釣興無豪
夜兩窗搖竹春風野薦蒿我來惟兩事差覺此心陶

本重宿影星寺

不到峒山二十年重來鬚髮已蒼然石泉槐火同參夢

是日清明籬菜梭花不礙禪豈爲宗門飯象教却思息壤卜

牛眠碧蘿涼月春如許猶記風光在眼前

越五日同歐星北司訓

景辰

復宿影星寺疊韻

六一先生見道年覺於名利兩超然
早時洞曉陰陽術到此參詳次第禪
丈室虛猶留月住屏山橫似抱雲眠
我生何處尋歸宿百節龍頭指點前

張丈竹晨方伯輓詩

我年未踰冠公早登賢書春風不得意入賞郎署居螭頭每儼直簪筆裏中樞內制外制文落紙雲煙如逮後我通籍比翼翔天衢公姪少宰師三人同寓廬朝夕常會食出入常共車逾年公出守榆塞古邊隅而我亦奉

鎮平山房詩集

卷十五

七三

使後先關隴趨縱云途路隔未覺音問疏公復陟觀察倉粟均轉輸旋秉皖中臬銜命方出都我時適還朝相遇津之沽同說經過事臨別重踟躕逮我奉諱歸公已藩夷渠我車輪下迹公乃循其塗量移到陝右益將宏遠謨往歲八九月敕使聞傳呼既祝慈母壽兼

慰聖人愉帝且有後命時艱賴匡扶有汝在陝中

西顧堪無虞公乃頓首言敢不竭臣愚臣當以死報不敢愛殘軀燕雲迴仙馭雨雪紛載途行方抵保陽寒氣侵肌膚功鮮藥石效病難膏肓驅公子早不祿似續未可無少宰之次子承恩拜丹除斯時適隨侍命爲子

之孥繼序亦當立初不紊宗圖逮公既薨逝衣麻而杖
苴匍匐踰萬里扶襯歸里間頭髮斬斬然骨瘦面容枯
親朋各太息淚落沾衣襦當壁忽見奪地下應長吁昔
我曾祖母於公爲祖姑吾子少宰壻復與孫行俱舊姻
兼新特屢世連陳朱公折行輩交禮數可勿拘切磋到
文字戲博兼檇蒲似此情意洽不獨因葭莩我歸逾四
載常慨猿鶴孤屢貽招隱書相將侶樵漁公言鄉味好
豈不思葦鱸高厚尙未酬會當緩須臾或許乞骸骨庶
幾收桑榆而今復安望空復想履絢丹旒入里門漆宮
藏邱墟眞靈證位業乘箕還太虛魂兮不可招何自哀
情攄惟有志埏道還以致區區

鎮亭山房詩集

卷十五

十三

擬陶責子詩

瑾兒初婚時有客兩三宿伺汝祖父睡一燈夜間博聞
汝祖父醒拳毛如蝟縮汝祖忽起視滅燈卓下伏此事
二十年此情宛如昨今我未晝寢檇蒲已成局但徇朋
友私安有父在目門外或不知門內豈不覺亦嘗返躬
思未免負愧忤自我爲鮮民無人爲管束時或招老友
飲博以爲樂汝等親見之遂亦戲五木父劫子殺人孽
本由自作於汝復何尤敢以過相督汝祖有遺訓家風
守儉樸自我竊微官漸習奢侈俗適口有精饜章身有

美服出門有安車入室有華屋花木備四時縹緗盈萬
軸每念先人訓汗下已如沐我今逾六十殘年等風燭
汝母亡及期常常暗中哭內政少主持閨門何由肅詬
粹時有聞念此心更惡猶欲望汝等夙夜兢兢各勿貽
祖父羞勿爲門戶辱慎勿謂小過可以恣所欲慎勿謂
餘財可以恣揮霍不惟惜餘財兼亦惜餘福福過災易
生人事有往復汝能體親心吾心快然足不必延年酒
殘年自可續不然復何言我死恨不速

嘉平六日張奎垣軍門

其光

招閱鎮海防營越日

復陪中丞廖毅士同年再至前後得詩凡二十

鎮亭山房詩集

卷十五

十四

首

咫尺軍門數往還又馳羽檄赴行間買舟便發桃花渡
杖策來登棗子山
風色蕭蕭日色寒籃輿安穩度岡巒書生那曉安營法
當作游山一例看

棋布星羅置列營風雲蛇鳥正奇生我來不作軍容使

慚愧旌旗夾道迎

招寶金雞控虎蹲虬山蜿蜒護蛟門中分大澗江邊路

南北廂軍兩岸屯

礮臺高築笠山前火藥鉛彈手自然定遠更隨威遠置

觀臺名咽喉要地扼夷船

鎮海樓頭月色高候濤山下怒潮號軍中夜半紛紛傳警

盡掣腰間大食刀

若弼威名若個先胸羅兵甲腹便便紅蓮幕下人才盛

不獨從軍有仲宣謂賀子周明府邊左衡理問王子良孝廉於魚雷出水

手扶天門止將臺上公冠蓋復追陪執鞭隨銜無能役

或許飛文走檄來

兵機禪理互相參雪夜雞窗握管談誰識中丞行部地

卻教彌勒與同龕時宿育王寺

九華燈裏飾行厨帕首鞞刀帳下趨合奏錢唐破陣樂

魚龍不敢語天吳

官離遽驛置周廬外患先須內患除三折波流拘猛港

中權扼要在梅墟

育王高嶺控穿山間道屯兵首尾環昔日霽霽分汛地

石湫今亦置重關

西洋新式格林槍突過前膛與後膛更伏魚雷沈水底

不教長鬣走餘皇

十二重樓蜚氣噓誰從碧海掣鯨魚鸚鵡變作鴛鴦陣

合誦南塘紀效書

往事梅林鎮此方銅琶鐵板促行觴文長老去明臣死

零落鏡歌十二章

十年前擊佛蘭西火樹銀花照水犀猶比燕然留片石

道旁碑碣姓名題

謂歐陽鑿非軍門

玉堂給札氣如雲持節曾誇喻蜀文一自挂冠神武後

又從鄉里學從軍

悔不當年數棄繻毛錐苦守欲何須男兒生乏封侯相

那許登壇佩虎符

倚劍崆峒顧盼雄劇思遜抗紹宗風而今甘隱南山霧

頗牧何嘗在禁中

聞道遼陽未解圍合提一旅衛京畿大功竟出何人手

鎮亭山房詩集

卷十五

十六

虞仲新來采石磯

鄭梅卿明府 震 輓詩

通德門高藉蔭餘翩翩濁世有佳譽一官後又稱明府

再舉前曾誤副車豪似王詵能鑑古隸兼程邈亦工書

中年絲竹方陶寫何遽游仙返太虛

病中作

秋風秋雨苦連宵伏枕何人慰寂寥爛等嵇康眠已慣

病如司馬渴難消出山恐被黃花笑攬鏡徒悲白髮凋

不道觚棱猶有夢五更青瑣早趨朝

招邵小村中丞唐泉伯嚴筱舫葉澄衷三觀察湯

癸生舍人徐秉甫孝廉湯松巖上舍徐園小集
異方冠蓋萃朋儔城北園林載酒游斯地頻年爲過客
故鄉今日是中秋好從洛社陪溫國不向新亭對楚囚
玉宇瓊樓高處望何堪水調唱歌頭

張道庵司馬招飲卽席賦贈 二首

湖海相逢意氣投
榻來同上酒家樓
當筵月滿仍燒燭
隔座花香自送鉤
買醉偶從長夜飲
偷閒還逐少年游
獨愁才盡江淹日
頭白難將好句酬

雪泥鴻爪滯江南
芍藥花時酒正酣
春事尙留三月閨
歌聲新唱八州甘
扁舟天地知何往
魏闕江湖望不堪

鍾亭口房詩集

卷十五

七

長願從君飲市上
聽鶯還與佐雙柑

